



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 95. Granatensis Archiepiscopi petitio de Residentia ex jure Divino
declaranda.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.
A.C. 1562.

"nis Sacramento ageretur, examini sub-
"jici, nec in eo ab animi nostri sinceri-
"tate recedimus, quandoquidem nun-
"quam speraveramus, præteritum de
"illa controversia ardorem extinctum
"iri, sed unice cavere studebamus, ne ob
"novam definitionem super Episcopo-
"rum institutione factam, pariter etiam
"cogeremur definire præcedentem con-
"troverfiam, illi adeo adnexam, ut
"hæc definiri nequeat, quin etiam ista
"decidatur. Ad hæc respondit Lanfa-
"cus, quod parum ipsum angat, an hoc,
"vel illo jure habeatur residendi necessi-
"tas, dummodo reperiretur ratio ad eam
"firmiter observandam, cum certum esset,
"quod plurima Ecclesiæ incommoda inde
"dimanarint. Hoc Lanfacci responsum
"Legatis placuit.

§. XCV.

*Granatensis Archiepiscopi petitio de
Residentia ex jure Divino
declaranda.*

Abeunte Lanfaco, supervenere Archi-
episcopi Granatensis, Bracarenfis,
Messanenfis, & Episcopus Segobiensis,
poltulantes, qua ex caussa voces istæ
jure Divino deletæ fuissent ex Decretis
a Crescentio Legato, ac Cardinale pro-
politus? His addebant, quod ex eo pa-
lant

*Pall. n. 11.
Sarp. p. 588.*

Sæcul. XV.
A. C. 1562.

lam fieret, eorum esse consilium, ut
 procul haberetur quævis disputatio de
 Præfulum residentia, cum tamen hanc
 quæstionem proponi, sæpius promissum
 fuisset. Insuper Granatensis Archie-
 piscopus, qui ceterorum nomine verba
 faciebat, suorum verborum testem alle-
 gabat Segobiensem Episcopum, qui tum
 præsens aderat, ac Synodi Congrega-
 tionibus sub Julio III. habitis æque, ac
 Octavianus Præconius Panormitanus
 Archiepiscopus pariter præsens inter-
 erat. Hic ergo ita perorabat: „non
 „permittendum est, ne utrumque
 „declaretur, nempe, & *Episcopos esse*
 „*institutos jure divino, & esse jure divino*
 „*Superiores Presbyteris*, eoquod utrum-
 „que negetur ab hæreticis: „ porro his
 dictis hic Præful in eo multus fuit, ut
 argumentis, rationibus, & Sanctorum
 Patrum auctoritatibus sententiam suam
 comprobaret, præcipue vero allegabat
 Epistolam Sancti Cypriani ad Rogatianum,
 ubi sæpius hic S. Doctor repe-
 bat, *Diaconos ab Episcopis fieri, tum Epi-*
scopos a Deo: insuper idem Episcopus
 adducebat celebre illud S. Cypriani tes-
 timonium, ex quo habetur, *unum esse*
Episcopatum, cujus a singulis in solidum
pars tenetur. Ex hoc textu collegit,
 quod Papa Episcopus sit, prout alii,
 nec non ille, atque isti sint fratres in-
 ter

ter se, ac filio unius Patris, nempe Dei, uniusque matris Ecclesiæ: unde a Pontifice *Fratres* etiam vocantur, adeo ut etiam, si Papa institutus sit a Christo, ab eodem pariter instituti dicantur Episcopi, qui illius fratres nominentur, non quidem ex urbanitate, & humilitate, sed ex eo, quod hæc esset uisitata loquendi methodus, qua summi Pontifices & Episcopi mutuo inter se agebant, priusquam disciplinæ corruptio invaleret.

Postea tanquam insulsam deridebat illorum opinionem, qui asserunt, omnes Apostolos a Christo fuisse institutos pares auctoritate, hancque in ipsis fuisse personalem, ita, ut ad Successores non commearet, præterquam a Petro solo: porro hic Præsul tales, perinde ac si præsentibus essent, percunctabatur, quo fundamento, qua auctoritate, quave ratione in assertionem adeo audacem prorupissent? cum tamen ea a quinquaginta duntaxat abhinc annis inventa, expresse cum Sacra Scriptura pugnaret, in qua Christus omnibus Apostolis promisit, se cum ipsis futurum usque ad consummationem sæculi, cum autem id de propriis ipsorum personis non intelligatur, de successione omnium necessario accipiendum, atque ita intellectum ab omnibus Patribus, &

Hist. Eccles. Tom. XLV. De omni-

Sæc. XVI.
A.C. 1562.

Sæcul. XVI
A.C. 1562.

omnibus Scholasticis, quibus hæc nova opinio e diametro repugnat. Insuper idem Episcopus eo argumento usus est: si Sacramenta a Christo instituta sunt, inde deducere licet, Ministros Sacramentorum ab eodem institutos, adeo ut is, qui dicere velit, Hierarchiam esse juris divini, & summum Hierarcham a Deo institutum, etiam defendere debeat, quod ceteri quoque Hierarchæ eandem habeant institutionem, cum Ecclesiæ Catholicæ hæc sit constans doctrina, Ordines dari per manum Ministrorum, & potestatem conferri a Deo: quæ omnia cum vera sint, certaque, ab hæreticis tamen negata plurimis in locis, quos in unum collectos dicebat ab Episcopo Segoviensi ceterum hic Præsul inquebat requiri, ut his a Synodo declaratis & definitis, contrarii errores damnarentur.

§. XCVI.

Legatorum responsio ad hunc Archiepiscopum data.

[*Pallav. c. 12. num. 11.*] Legati hisce Præsulibus respondebant: „vanus vester est timor, prout „rei exitus manifestabit; nos enim omnem dabimus operam, ut juxta promissionem factam quæstio de Residendi jure agitetur.„ Nihilominus Legationem illis exponere volebant, cur hæc